

Dat Problem ut de Tokummst

IN D' LUUR

Karin Böhmer

redaktion@on-online.de



Wat'n Jahr. Nu begripen wi, dat en Problem ut de Tokummst en Problem van vandaag word. Dat dat warmer word un wi noch Verdreet um't Water kriegen, hebben in de 1980ers al Facklüü wahrschaut. Daan wurr d'r nix. Dat de Dokters oller worden un de Aard un Wies, wo mit hör un de Krankhusen ofrekend word, eenfach blot Mess is, weten wi al lang. Nu sitt de Schiet. Kinner könt nich mehr in d' Klinik, de Bedden sünd vull, Dokters un Schwesters fehlen. Dat Thema demografische Wannel hebb ik al in d' School hatt. Hebben wi nu wat in petto daartegen? Nee! De Rente is seker nich seker. Un neei Probleme ut de neei Tokummst worden eerst gaar nich mehr sehn. Of dat helpen deit?
